



Handwritten text on the spine, possibly in Latin or German, including the word "Hundert" and "Kocher".





Sammelband. Lex. 200



Eyn treu vormanung Mar-  
tini Luther tzu allen Chri-  
sten. Sich tzu vorhuten  
fur auffruhr vnd  
Empörung.

Zwittemberg.



Handwritten text in a Gothic script, appearing as bleed-through from the reverse side of the page. The text is arranged in several lines and is significantly faded.

Handwritten text in a Gothic script, appearing as bleed-through from the reverse side of the page. This line is also faded.





## Ihesus.

Allen Christen die diesen brieff lesen odder horen  
geb gott gnad vnd fryde Amen.

Es ist von gottis gnaden yn diesen saren / das selige  
licht der Christlichen warheyt durch Babst vn die sey  
ne tzuuor vordruckt / wider anffgangenn / da durch  
yhre manchfeldige schedliche vn schendliche vorfurige  
allerley mißthat vnd tyranny offentlich an tag bracht  
vnd tzuschanden worden ist. Das es sich ansehen lest /  
es werde gelangen tzu auffruhr vnd Pfaffen / Dunic  
Bischoff mit gantzem geystlichen standt erschlagenn  
vn; voriagt mochten werden / wa sie nit ein ernstliche  
merckliche besserungselbs fur wendenn / denn der ge/  
meyne man / yn bewegung vnd vordruesz seyner besche/  
digung am gut / leyb vnd seel erlitten tzu hoch vrsucht  
vnd vbir alle maß vonn yhn auff aller vntreulichst be/  
schweret / hynfurt solchs nimmer leyden muge noch  
wolle / vnd datzu redliche vrsach habe mit pfiegeln vn  
kolben dreyn tzu schlagen / wie der Karst hans drawet.

Wie woll nu ich / nit vngerne hore das die geystlichen  
yn solcher furcht vn sorge stehen / ob sie da durch woltē  
yn sich selb schlagen vnd yhr wutenden tyranny sensstē  
vnd wolt got solch schrecken vnd furcht were noch gros  
ser. So dückt mich doch / ich sey des gewisz / byn auch  
on alle sorge / eyniges tzurunffrigenn auffruhris / odder  
entporunge / sonderlich der do durch vnd durch dringe  
vn den gantzen hauffen vbir falle / auß der vrsach / das  
ich nit mag nach soll tzuweyffeln / gott werde vbir seynē  
wort halten vnd vrell ehe lassen hymel vnd erden vorge/  
hen / ehe ey eyniger tuttel odder buchstab dauon ver/  
falle / wie er selbs sagt Math. v. vn. xxiij. der halbē lasz  
ich drawen vnd schrecken wer da mag vnd will / auff

A ij



Das erfüllet werde die schrift die do sagt von solchem  
geystlichen vbelthetern. Psal. xxxv. yhre boszheytt ist off-  
fenbar worden / das man yhn feyndt wirt. Item Psal.  
xliij. sie furchtensich da keyne furcht ist. Item prouer.  
xxvij. Die gotlosen fliehē / ob sie schon niemant jaget.  
Vñ. Levit. xxvi. Es soll sie auch eyn rawschend bladt  
erschrecken vnd. Deu. xxvij. Gott wirt dyr geben ein er-  
schrocken hertz / das dein leben wirt fur dyr wehē / des  
morgens wirstu sagē / wolt got ich vbir lebet den abēt /  
des abents wirstu sagen wolt got ich vbir lebt den mor-  
genn. Solch schrecken vnd furcht gibt die schrift allen  
gottes feynden / tzum anfang yhrer vordamnusz. Dar-  
umb ist billich vnd gefellet myr wol / das solche plage  
ansehet yn den Papisten die gotliche warheytt vordol-  
gen vnd vordammen. Es soll schyr noch bass beyssen.

Vnd das ich mehr sage. Wen ich tzehe leybe hette /  
vnd mocht bey got szo vill gnade erwerben / das er sie  
nit dyssen fuchs schwantz des leyplichen tods odder  
auffruhzz casteyet / szo wolt ich sie doch alle auß her-  
tzen grund gerne dar strecken / fur den elenden hauffen.  
Ach herr got / es ist nit ein solche linde straff fur d thur  
es ist ein vntraglicher ernst vnd tzorn / des feyn ende ist /  
vbir sie schon angangen. Der hymel ist eysern / die erde  
eerern. Es hilfft keyn bittē mehr. Der tzorn ist / wie. S.  
Paulus vonn Juden sagt / vbir sie komen entlich. Es  
ist nit vmb ein auffruhzz zu then fur gott / wolt gott / die  
weyl / dem hauffen nit zu helffen ist / wir mochten doch  
ettlich erausz reysen / vnd von dem grewlichen schlund  
vnd rachen erretten. Die schrift gibt dem Papst vnd  
den seynen gar viel ein ander ende / den leyplich todt vñ  
auffruhzz. Daniel. viij. spricht. Er soll onn hand tzur  
Enurset werden / das ist / nit mit dem schwerd vñ leypl-  
licher gewalt. Vñ. S. Paulus. ij. Thess. ij. sagt von ym



also. Unser herr Ihesus wirt yhn todten mit dē geyst  
 seynes munds vñ wirt yn vorstozen durch das erleuch-  
 ten seyner zukunfft. Diemaler malen auch also Chri-  
 stum/auff dem regen bogenn das yhm ein ruthe vñnd  
 schwerd auß dem mund gehet/wilchs ist auß Isala.  
 xi. genommen. Da er spricht. Er wirt schlagen die er-  
 den mit der stangen seins munds / vñnd mit dem geyst  
 seyner lippen wirt ertodtē den gotlossen. Das aber die  
 maler ein bluende ruthe malenn / ist nit recht. Es solt  
 eyn stab adder stangen seyn / vñnd beyde stange vñnd  
 schwerdt / alleyn vñnd die eyne seynte gehenn vñnd die  
 vordampfen. Item Psal. x. zirknurre den arm des  
 gotlossen ersuche seyne boszheytt / so wirt seyne gott  
 losz wesen schon nymmer bestehen.

Auß diszen spruchē lernen wir / das des Bapst End-  
 christlich regiment mit yhm wirt diszer massenn vorsto-  
 ret werden. Nemlich / das durch / das wort Christi /  
 wilchs ist der geyst / stang vñ schwerd seynes munds /  
 wirt seyne buberey / trigerey / schalckeyt / tyranny / vor-  
 furerey / auffdeckt vñnd fur aller welt bloß zu schanden  
 werden / den die lugē vñnd vorfurerey wirt alleyne damit  
 vorstozet / wen sie offenbar vñnd erkāt wirt. So bald die  
 lugē erkennet wirt / darff sie schon keynes schlags meh-  
 feld vñnd vorschwind von yhn selbs mit allen schanden.  
 Das meynet. Psal. x. suche nur seyne boszheytt / so ist  
 seyn gotlosz wesen schon dahyn Es darff nit meh- den  
 suchen vñnd erkennen / Nu ist des Bapsts wesen mit seyn-  
 nen stiftren / klosteren / hohen schulen / gesetzen vñnd lehren  
 eyttell lügen / durch eyttell lügen auff bracht / hat auch  
 die welt nit anders den mit scheyn vñnd guter gestalt / be-  
 trogen / vorfuret / vñndterdrückt an leyb / gut vñnd seel vor-  
 derbt. Drum darffs nit meh- denn nur erkennen vñnd  
 offenbar machen / so fället es dahyn mit Bapst / Pfaf-  
 fen / Munchen yn aller schand vñnd schmach. Denn



Kein mensch ist so toll / der da folge vnd nit haßze / die  
offentliche lügen vnd falschheit. Wen nun solch offen-  
barung der Bepstischen buberey geschehen ist / vnd  
der geyst des munds Christi ym schwancf gehet / das  
der Bapst mit seynen lügen nichts mehr gült vñ gantz  
voracht wirt / als den wirt mit tzuplatzen vnd treffenn  
der iungst tag / vnd wie Paulus sagt / wirt Christus  
den Bapst wollend tzu storen durch seyne tzuiffst.

In dissem handell ist ditz das aller feynst / das der  
Bapst vñ die seynen vorstockt / werden solchs nit glau-  
ben sondern vorlachen / auff das sie erfüllen den spruch  
Pauli. Cum dixerint par / Wen sie werden sicher seyn  
vnd sagen. Es hat noch kein nott / so wyrdt yhn komē  
schnell yhr vorterbē / Auff das nu die Papisten yhe sich  
nit bessern vñ gnade suchen / sollen sie ditz nit glauben /  
vnd sagen / ya der Jungst tag ist noch fern / bisz das sie  
ym augenblick / eh sie sich vorsehen ym grund des hel-  
lischen fewrisz ligenn vbir einem hauffen.

Als ich nu hab gesagt / die weyl ich gewisz byn auß  
dysen spruchen / das durch menschen hand odder auff-  
ruhr / das Bapstum vnd geystlicher stand nit wirt vor-  
stort / Sondern seyne boszheit so greulich ist / das  
yhr keine straff gnug ist / denn alleyn der gottliche zorn  
selber on alles mittel / hab ich noch nie mich bewegenn  
lassen / denen tzu weren / die mit der hand vnd pflegell  
drawen. Weyß wol / das yhn nit wirt dazzu komē / ob  
gleich etliche wurden antastet / so wirts doch nit eyn  
gemeyn antasten werden / sind doch tzuor woll mehr  
pfaffen on allen rumor vñ emporüg erschlagē / da man  
sich noch fur yhrē ban furchtet vñ der zorn gottis noch  
nit war angangen / aber nu er angangen ist / vñ man sich  
nit mehr fur yr furchtet / sollē sie sich furchtē vmb sonst  
gleich wie sie vns biszher vorgeblich mit yhrem falsch



ban haben furchten gemacht vnd yn vnser furcht eyn  
guten hoffertigen willen gehabt.

Doch ob ich wol die hand nit dar zu komē wirt vñ der  
selbigen mir nit nott ist tzu weren. So muß ich doch  
auch die hertzen ein wenig vnterrichten. Vñ fur das er-  
ste/laß ich die weltlich vbr̄keyt vnd edel itzt anstehen/  
welche wol solten auß pflicht yhrer ordenlicher gewalt  
datzu thun. Ein iglicher ifurst vñ herr ynn seynē land.  
Den was durch ordenliche gewalt geschicht/ist nit fur  
auffruhr tzu halten. Aber nu lassen sie es alles gehen/ey-  
ner byndert den ander/ettliche helffen vñ rechtfertigen  
datzu/des Endchriſts sache. Got wirt sie wol finden/  
vñ yhn geben/nach dem sie yhrer gewalt vnd vbr̄keyt/  
tzu rettung oder vorderben yhrer vnterthan an leyb/gut  
vnd seel braucht haben. Aber dem gemeynem man ist  
seyn gemut tzu stillen vnd tzu sagen / das er sich enthal-  
de/auch der begirden vnd wort / so tzu auffruhr sich  
lenckē / vñ tzur sach nichts furnehm on befelch der vbr̄-  
keyt/odder tzu thun der gewalt datzu sollē yhn bewegen

Zum erstenn/ das / wie gesagt / es doh nit tzur that  
komen wirt. Vñ eytell vorgebliche wort vñ gedanken  
sind/was do von gered vñ gedacht wirt / Den wie ges-  
hort ist/gott will vñd wirt selber hie der streffer seyn/  
vnd sie solcher leychter straff/gantz vnd gar nit wurdig  
sind. Auch so sehen wir/wie die ifursten vñ herren so  
vneynis/ vnd sich gar nichts datzu stellen/alsz woltenn  
sie den sachen helffen / willchs alles von gott vorgehenget  
vnd geschickt wirt/auff das er alleyn straff vñd seynen  
tzorn vbr̄ sie auß schatte. Wie woll ifursten vñ herren/  
wie gesagt ist/do mit nicht entschuldigt sind/Sie soltē  
das yhre datzu thun/vñ mit dē schwerc / das sie tragē/  
weren/so viel sie mochten/ ob sie gottis tzorn doch ey-  
nisz teyls tzu vor komen vnd lyndern kundenn. Bleych

*L  
A turo*



*... das man nicht ...*

wie Moses Exo. xxxij. ließ drey tausent vom volck erschlahen / auff dz gottis tzorn vom volck wendet wurde / wie den auch vñ Elia vñ Phinehes die schrifft sagt / nit das man itzt solt die Psaffen todte / wilchs on nott ist / sondern nur mit Worten verpietten vñ drob mit gewalt halte / was sie treyben vñ widder das Euangeliu. Man kan yhn mit Worten vñ briessen mehr den gnug thun das widder haben noch stechens bedauff. **Zum andern** / obs gleych muglich were / dz eyu auffruhr wurde / vñ got sie szo gnediglich wolt straffen / szo ist doch die weysze keyn nutz / bringt auch nymer mehr die besserug / die man da mit sucht. Denn auffruhr hat keyn vomunfft / vñ gehet gemeynlich mehr vñ die vnschuldigen den vñ die schuldige. Darumb ist auch keyn auffruhr recht / wie rechte sach er ymer habe mag. Vñ folget alletzeyt mehr Schadens den besserung dar auß. Damit erfüllet wirt das sprich wort / **Ausz vbel wirt ergers.** Der halbe ist die vberkeyt vñ das schwert eyngesetzt tzu straffen die boszen vñ tzu schutzen die frumen das auffruhr verhuttet werde wie. S. Paulus sagt. Ro. xij. vñ i. Pe. ij. Aber wñ Er omnes auffstehet / der vormag solch vntersheyde der boszen vñ frumen wydder treffen noch halten / schleget yhn den hauffen / wie es trifft / vñ kan nit on gross greulich vnrecht tzu gehen. **Darumb hab acht auff die vberkeyt** / so lange die nit tzu greyfft vñ besilhet / szo haldt du stille mit hand / mund vñ hertz vñ nym dich nichts an / kanstu aber die vberkeyt bewegen / das sie angreyffe vñ befelhe / szo magstu es thun / will sie nicht szo soltu auch nit wolle / feristu aber fort / szo bistu schon vngerecht vñ vill ergers den das ander teyll. Ich halt vñ wills alletzeyt halt / mit dem teyll / das auffruhr leydet / wie vnrechte sach es ymer habe / vñ wydder seyn dem teyll / das auffruhr

*II.*  
*Ab mütili*

*... was auffruhr ...*

*...*





macht wie rechte sach es ymer habe / darumb dz auffruhr nit kan on vnschuldig blutt odder schaden ergehē.

**Z**um dritten szo ist auffruhr vonn gott vorpottenn da er sagt durch Mosen / Quod iustum est iuste exequaris. Was recht ist / soltu mit recht ausfuren. Item die rache ist mein / ich will wydder geltē / daher kompt das ware sprichwort. Wer wydderschlegt der ist vnrecht. Item niemant kan seyn eygen richter seyn. Nu ist auffruhr nicht anders / den selbs richten vnrechē / das kan gott nit leyden / darumb ist nit muglich das auffruhr nit solt die sach alletzeyt vill erger machenn / weyll sie wydder gott / vnnnd gott nit mit yhr ist.

**III**

*Zurckw...*

**Z**um vierdenn ist ynn diszer sach / der auffruhr cynsonderlich gewissz eyngeden des teuffels. Denn die weyl er sihet dz helle licht der warheyt / welches seyne gotzen Bapst vnd Papisten auffdeckt ynn aller welt / vnnnd er yhm ynn keynen weg begegen kan / die glentz sind yhm ynn die augen geschlagen das er vorblendet / nit mehr den liegen / lestern vnd das nerrische ding furgeben kan / szo gar das er auch vorgist / scheyn farbe vnd gleyssen / wie er bißher gewonet hat fur tzu wenden als das auß weyssen die lugē meuler Bapst / Eck / Emiser vnnnd yhr gleychenn ynn yhren bullen vnnnd schrifften / feret ertzv vnnnd will auffruhr anrichtenn / durch die szo sich des Euangeij rhymenn / do mit er hoffett / vnzere lere tzu schimpfenn / als sey sie vom teuffell vnnnd nit auß gott / wie ettelich schon auff der Kantzell gloriern / auß dem spiel / das er tzu Erffurd mit den Pfaffen anfieng. Aber es soll yhm / ob gott wyll / nit gelingen. Wyr musen den schimpff von yhm leyden. Er soll aber da gegē auch etwas leyden / das yhm reychlich betzale. Welche meyne lere recht leszen vnd vorstehen / die machen nit auffruhr. Sie habensz nit vō myr gelernet Das aber etc

**III**

**B**





lich solchs thun vñ sich vnser namens rhumen / was  
Konnen wyr dazzu? Wie viel thun die Papisten vnter  
dem namen Christi das nit alleyn Christus vorpotten  
hatt sondern auch Christum vorstoret? Sollen wyr  
vnsern Ehor so reyn halten / das auch. S. Peter nit  
strauchele vnter vnser / so doch vnter den Papisten eyt  
tell Judas vñ Judas tuck sind vñ wollen dennoch yhe  
lere nit dem teuffel tzu geeygent haben? Aber / wie ich  
sage / der teuffel sucht also vrsach / disze lere tzu schme  
hen / wie er kan / kund er etwas ergers so thett ersz auch  
Er ist matt wordenn / er musz her halten ob gott will  
weyl er solch lame / losze / fawle anschleg furnympt. Es  
wirrt vñd soll yhm tzum auffruhz nit gedeyen / wie er  
gerne wollt

**D**arumb bitt ich / wer sich des Christlichenn na  
mens will rhumen / der halt sich wie. S. Paulus sagt.  
ij. Cor. iij. das wyr den widderfachern nit vrsach gebē /  
tzu lestern vnserere lere. Den wyr sehē wie die Papisten  
geschickt sind das sie den balcken ynn yhren augen stel  
hen lassen vñd mit gantzem vleysz / suchen vñd schar  
ren / ob sie eyn kleynisz stecklein ynn vnsern augen findē  
mugē. Wyr sollen yhn nit auffruckē / das sie fast nichts  
guttts bey yhn haben. Aber wo vnser eyner nit eyttel  
geyst vñd engel ist / so soll all vnser dñg vnrecht seyn /  
Da frewen sie sich / da hupffen sie / da singen sie alsz  
hetten sie gantz gewonnen. Darumb sollē wyr vnser hut  
ten vor vrsach yhrer lesterung / der sye voll voll voll steckē /  
nit vmb yhrend willen / denn sie müssen doch lestern  
vñd das maul vñr gehen lassen / des das hertz voll ist  
sollten sie es auch mit lügen ausrichten wie myr sehen  
das sie thun / sondern vmb des heyligen Euāgelij wyl  
len / das wyr seyne schmach vorwaren / vñ yn yhr maul



tzu stopffen (alsz. S. Petrus leret) das sie mit Keyner  
warheytt vnser schanden mugen so viel vnser muglich ist.  
Denn was sie boszes vñ vnser sagen mugen / sehen sie so  
bald auff die lere / vñ musz also das heylig wortt got-  
tis vnser schand tragen / danon wyr alle ehre habenn.  
Aber sie wollen yhre lere vngeschend haben / ob sie eyt-  
tel schand wirckē / das Edle / tzarte / rechtfertige volck.

**S**prichstu aber was sollen wyr den thun / so die vber  
Keytt nicht anfahen wyll? sollen wyr noch lenger ge-  
dulden vñnd yhren muttwillen stercken? Antwort.  
Neyn du solt der Keyniss thun. Dreyerley soltu dazzu  
thun. Das erst / du solt erkennē deyn sund / wilche got-  
tis strenge gerechtickeit / mitt solchem Endchristischen  
regimentt geplaget hatt / wie. Sanct. Paulus. ij. Tess.  
ij. verkundiget. Gott wirrt yhn tzusenden / yrrige lere  
vñnd regiment / darumb das sie die liebe der warheytt  
nit angenommen haben / damit sie selig wurden. Es  
ist eyttel vnser schuld / alles was der Bapst mitt den  
seynen an vnserm gut / leyb vñ seel than hatt er. Darub  
mustu tzuoer die sund bekennen vñnd ablegen / ehe du  
der straff vñnd plage wilt losz seynn / sonst wirstu wyd  
der den spleisz tretten / vñnd der steyn den du vber dich  
wirffist gen hymel / wyrt dyr auff denn kopff fallenn.  
**D**as ander / du solt demutiglich bitten wydder das  
Bepstisch regimēt / wie da thut vñnd leret der newnde  
psalm vñnd spricht. Stand auff herr gott / vñnd erhebe  
deyne hand vorgissz nit deyner armen. Warumb le-  
stert der gotlosz dich her gott / vñnd spricht / du fragist  
nicht dar nach / du siehest yhe vñnd erkennist seyne muhe  
vñnd grym / auff das du sie vbergebist vñnd deyne hende  
Der arme ist dyr gelassen / dem weyszē wirstu helffen /  
zur Knurse den arm des gottlosen / suche seyne boszheytt  
so wirt seyn gottlosz weszen nymmer seyn ꝛc.

*Nota ista Tris*

B ij





Das dritte / das du deynen mund lassist seyn eynn  
mund des geystes Christi / von dem. S. Paulus dro  
ben saget. Unser herre Ihesus / wirt yhn todten mit  
dem mund seynes geystes / das thun wir szo mir ge  
trost furt faren / wie angefangen ist / das Papst vñ der  
Papisten buberey vnd triegerey / vnter die leut treybē /  
mit reden vñd mit schreyben bisz das er ynn aller welle  
bloß auffdeckt erkennet vñ tzu schanden werde. Denn  
mit Worten muß man yhn tzuuor todten / der mund  
Christi muß es thun / da mit wirt er auß der mensche  
hertzen greysen / vnd seyne lügen erkennet vnd vorach  
tet. Wenn er aber auß dem hertzen ist / das seyn dinc  
nitt mer gilt / szo ist er schon vorstoret. Wie mit kan man  
yhn basz radten / denn mit hundert auffruhr. Mit ges  
wallt werden wyr yhm nichts abbrechenn / ia mehr yn  
stercken / wie es biszher vielen ergangen ist. Aber mit  
dem lecht der warheyt / wenn man yhn gegen Christo  
vñd seyne lere gegen das Euangelium hellt / da da fel  
let er vñd wirt tzu nicht on alle muhe vñ erbeyt. Sich  
meyn thun an. Hab ich nit dem Papst / Bisschoffen /  
Pfaffen vñd munchen alleyn mit dem mund / on als  
len schwerd schlag mehr abbrochen / denn yhm biszher  
alle Keyser vñd Konige vñd ifursten mit alle yhr ge  
walt haben abbrochen. Warumb das? Darumb das  
Daniel. viij. sagt / dyser Konig soll on hand vorstoret  
werden / vñd. S. Paulus. Er soll nit dem mund  
Christi vorstoret werden. Nu mag ich vñd eyn igli  
cher / der Christus wort redet frey sich rhume / das seyn  
mund / Christus mund sey. Ich bynn yhe gewisz / das  
meyn wort nitt meyn sondern Christus wort sey / szo  
muß meyn mund auch des seyn / des wort er redet.

Dabrū darffstu nit begeren / eyner leyplichē auffruhr.



Es hat Christus selbs schon eyne angefangen mit sey-  
nem mund / die dem Babst allzu schwere wirt seyn/  
der selbige lasz vns folgen vnd fort faren. Es ist nit vn-  
ser werck / das itzt geht ynn der welt. Es ist nit muglich  
das ein mensch solt solch alleyn weszen anfahen vn̄ fu-  
ren. Es ist auch on mein bedenccken vnnnd rad schlagen  
szo ferne komenn. Es soll auch on meynem radt wohl  
hynausz gehen / vn̄ die pforten der hellen sollens nit hyn-  
dern. Ein ander man istz der das redle treybt / den sehē  
die Papisten nit / vnnnd gebens vnsz schult. Sie sollens  
aber gar schyr ynnen werden. Der teuffel hat sich lang  
getzeyt fur dissen iaren gefurcht / vnnnd den braten vonn  
ferne gerochen / hat auch viel prophetzeyen da wydder  
lassen außgehen / der etliche auff mich deutten / das ich  
mich offt seyner grossen schalckeyt vorwunder. Er hett  
mich auch offt gar gerne todtet / itzt wolt er gerne das  
ein leyplich auffruhr wurde / da mit disser geystlich auff-  
ruhr tzu schanden vnnnd vorhyndert wurde. Es will  
aber vnnnd soll yhn nit helffen / ob gott wil. Er musz on  
hand / vnnnd alleyn mit dem mund vorstoret werdenn /  
da hilfft nichts vor.

Sibe nun treybe vn̄ hilff treyben̄ das heylige Euā-  
gelium / lere / rede / schreyb vn̄ predige / wie menschen ges-  
setz nichts seynn / were vnnnd rad das niemant Pfaff /  
Munch / Nonne werden / vn̄ wer drynnen ist erausz ge-  
he / gib nit mer gelt tzu Bullen / Kertzen / Blockē / Taf-  
feln / Kirchē / sondern sage / das eyn Chriſtlich lebenn  
stehe ym glauben vnnnd liebe / vnnnd lasz vns das noch  
tzwey iar treyben / szo soltu wol sehen / wo Papst / Bis-  
choff / Cardinal / Pfaff / Munch / Nonne / Blo-  
cken / Turm / Mess / Vigilien / Kuttē / Kappen / Plattē / Re-  
gel / statuten vn̄ das gantze geschwurm vnnnd gewurm  
Bepstlichs regements bleybe / wie der ranch sol es vor

B 14



schwinden/leren wir aber das nit/vnnd bringen solch  
warheynt mit vnter die leut/das yhn solch ding auß dem  
hertzen ganommen werde/so wir der Papsst woll fur  
vns bleybenn/wen wir gleych tausent auffruhr wld der  
yhn anfiengen. Sihe was hats gewirckt alleyn ditz ey  
nige iar/das wir habenn solche warheynt getrieben vnd  
geschryben/wie ist den Papssten die decke szo kurtz vñ  
schmal wordenn. Die Stationirer klagen/sie mussenn  
schyr hungerz sterben. Was will werden / wo solcher  
mund Christi noch tzwey iar mit seynem geyst dresche  
wirt? Solch spiel wolt der teuffell mit leylicher auff  
ruhr gerne hyndern. Aber last vns weysze seyn / gott  
dancken fur seyn heylig wort / vnnd dyszer seligen auff  
ruhr denn mund frisch dar geben.

Es ist offenbar worden der Papssten vnwissenheit.  
Es ist offenbar worden / yhr gleysherey. Es ist offen  
bar worden yhr falsche lügen ynn yhren gesetzenn vnnd  
orden. Es ist offenbar worden yhr falche tyranny des  
bannes. Kurtz vmb / es ist alles auff deckt / damit sie  
biszher die welt betzaubert/erschreckt vnd vorfuret ha  
ben. Man sihet das es eyttel gauckel werck gewesen  
sey. Nichts mehr ist bey yhn das man furcht/on alleyn  
noch eynn kleyner behelff weltlicher gewalt. Aber die  
weyl der scheyn abe ist / vnnd mit lautter gewalt sie sich  
schutzen mussen / ist nit muglich / das es lange mu  
ge bestehen. Auch was dem mund Christi ober bleybt  
das wirt seyne tzukunft vortllgenn / wie. S. Paulus  
sagt. Darumb last vns frisch anhalten / das wort red  
lich eyn treyben/die menschen gesetz auß treyben. Szo  
todtet Christus durch vns das Papsstumb. Es singet  
schon Eli Eli/es ist troffen Schyer wirts heysen. Ex  
pirant.

Aber hie ynn dyszem treyben muss ich abirmall ettz



Ich vormanen/die dem heyligen Euāgelio eynen grossen  
 abfall vñ nach reden machē. Es sind etlich / szo sie  
 eyn blatt oder tzwe gelesen / odder ein predigt gehoret  
 rips raps aufzher wiffchen / vnd nichts mehr thun den  
 vberfahren vnd vorpochenn die andern mit yhem wes  
 sen / als die nit Euangelisch seyn / vnangesehen das tzu  
 weylen schlecht eynfeltige leutt sind / die woll die war  
 heyt lernten so man sie yhn sagete. Dz hab ich auch nre  
 mant geleret / vnd. S. Paulus hat es hart vorpotten.  
 Sie thunsz nur darumb das sie wollenn etwas newes  
 wissen / vnd gut lutherisch gesehen seyn. Aber sie miss  
 brauchen des heyligen Euangelij tzu yhem mutwill  
 len. Damit wirstu das Euangeliū nimmer mehr ynn  
 die hertzenn treyben. Du wirst sie viel mehr abschrec  
 ken / vnd must ein schwer antwort gebenn / das du sie  
 also von der warheyt getriebenn hast. Nit also / du  
narr / hore vnd laß dyr sagen / tzum ersten / bitt ich man  
wolt meynes namen geschweygē / vñ sich nit lutherisch  
sondern Christē heysen. Was ist Luther? ist doch die  
lere nit meyn. Szo byn ich auch fur nemanant gecreuz  
tzigt. S. Paulus. i. Corint. liij. wolt nit leyden / das die  
Christen sich solten heysen / Paulisch oder Petersch  
sondern Christen. Wie keme denn ich armer stines  
kender madensack dazzu / das man die kynder Christi /  
solt mit meynem hegrossen namen nennen? Nit also  
lieben freund / last vns tilgenn die parteyschen namen /  
vnd Christen heysen / des lere wir haben. Die Papi  
sten habenn billich eynen parteyschen namen / die weyl  
sie nit benuget an Christi lere vnd namen / wollenn  
auch Bepstisch seyn / szo last sie Bepstisch seynn / der  
yhmeyster ist. Ich byn vnd wyll keynissz meyster seyn.  
Ich habe mitt der gemeyne / die eynige gemeyne lere  
Christi der alleyn vnser meyster ist. Matth. xxij.

A.

W.





Zum andern/wenn du das Euangelium wilt Chri-  
stlich handeln/szo mustu acht auff die person habenn/  
mitt denn du redist. Die sind tzuweyerley tzum erstenn **I.**  
sind ettllich vorstockt/die nit horen wollen / dazzu an-  
dere mit yhrem lügen maull vorfuren vnnnd vorgyfften  
alsz da ist der / Bapst / Eck / Emser / ettlliche vnzere  
Bischoff / Pfaffen vnnnd Munch/mit denn selbigen  
soltu nichts handeln / sondern dich halten des spruchs  
Christi Matth. vii. yhr solt das heylgithum nit gebenn  
den hunden/noch die perlen werffen fur die sewe/auff  
das sie die nit mit fussen treten / vnnnd die hund sich  
ymb keren vnnnd euch tzu reysen / last sie hund vnd sew  
bleyben. Es ist doch vorloren. Item Salomon / wo  
nit ist der dyr tzu horet / szo soltu deyn wort nit auß gis-  
sen. Wenn du aber siehest / das die selbigen lugner / yhr  
lügen vnnnd gisft auch ynn andere leutt schencken / da sol-  
tu sie getrost fur denn kopffstossen / vnnnd widder sie  
streytten / gleych wie Paul<sup>9</sup> stiesz den Eliman act. xlii.  
mit harten scharffen wortten / vnnnd Christus die Pha-  
riseos nennet otter getzichte / das soltu nit vmb yhren  
willen thun denn sie horen nit / sondern vmb der will-  
en / die sie vorgyfften / also gepeut. S. Paulus Tit.  
Er soll solch vnnutze plauderer vnnnd seel vorfurer / hert-  
tlich straffenn.

**I.** Zum andern sind ettlliche / die solchs tzu vor nit mehr **II.**  
gehört habenn / vnnnd woll lernen mochten / szo mansz  
**II.** yhu saget / odder sind szo schwach / das sie es nit leyche-  
lich fassen mugen / dyse soll man nit vberpoltern noch  
yber rumpeln / sondern sie freuntlich vnnnd senfft vnter  
weyssen / grund vñ vrsach antzeygen / wo sie es ab er nit  
gleych fassen mugen / eynn tzeyt lang gedult mit yhn ha-  
ben / do von sagt. S. Paulus Ro. xv. den schwachenn  
ym glawbē solt yhr an nehmen. Itē. S. Peter. i. Pe. iij



yhr solt alletzeyt bereyt seyn tzur antwort eynem igliche  
 der vonn euch begerd / grund vnnnd vsach ewer hoff-  
 nung / mit sanffmutickeit vñ forcht / da sihestu / das mit  
 senffte vnnnd gottis furcht / wir sollen vnterricht gebenn  
 vnserz glaubens / szo es ymande begert edder darff.  
 Wenn du nu fur dissen leuten / deyne grosse kunst wiltt  
 ertzeygen / vnnnd szo kurtz herferist / vnnnd gibst fur wie sie  
 nit recht / beten / fasten / mesz habenn / vnnnd wiltt fleysch  
 eyer / ditz vnnnd das essen auff denn freytag / vnnnd sagist  
 nit daneben mit sanffmutickeit vnnnd furcht. vsach vnnnd  
 grund / szo kan eyn solch eynfeldig hertz / dich nit an-  
 ders achten denn das du eyn stoltzer / frecher / freueler  
 mensch seyeist alsz den auch war ist / vnnnd meynet / man  
 solle nit betten / nit gut thun / Adesz sey nichts / vnnnd der  
 gleychen / wilchs yrthumsz vnnnd anstosz du vsach vnnnd  
 schuldig bist / daher es denn komet das sie vbel richten  
 vnnnd reden dem heyligen Euangelio vnnnd meynen /  
 man hab dich vngehewre ding geleret Was hilfft dich  
 nu solch beleydung deynisz nehisten vnnnd hyndernisz  
 des Euangellij? du hast deynen mittwillenn gekulet /  
 szo sprechenn sie / Ey ich wyll ynn meynen glaubenn  
 bleyben vnnnd sperren yhr hertz tzu der rechten warheyte.

Wenn du aber mit furcht vnnnd senffmutickeit  
 (wie. S. Petrus leret) vsach tzeygeist / vnnnd sprechist  
 also / Lieber mensch / fasten / eyer / fleysch / fisch essen  
 ist ein solch ding / das nit dran ligt die selickeit. Es  
 mag wol vnnnd vbel geschehen vnnnd nachglassen werden.  
 Alleyn der glawbe macht selig zc. wie den hie bey zu sa-  
 genn ist. Also auch die Messe were woll gut wenn sie  
 recht gehalten wurde zc. Nit der weysze kemenn sie  
 hyntzu / horetten vñ lereten tzu letzt / das du kanst. Aber  
 nu du szo frech bist / erhebest dich das du ettwas wiss-  
 sist / dz sie nit wissen / thust alsz der Pharisens ym Eua-



gello / vnd leffist dyr vsach deynes vbirmutts seyn / das  
sie nit auch dz selb wissen / das du weyffzist / fellistu ynn  
das vitell. S. Pauls Ro. xiiij. *Jā nō secundū caritatē  
ambulas / vorachtist deinen nehistē / dem du doch mit  
furcht vnnnd senffmuttikeyt dienen soltist. Werck eyne  
gleychnis. Wenn deynn bruder were mit eynem strick  
vmb den halz ferlich gepunden von seynem feynd / vnd  
du narr wurdist tzornig auff den strick vnd feynd / liefst  
fest tzu vnd risset denn strick mit grossen ernst tzu dyr  
odder stechst mit einē messer darnach / da soltistu wol  
deynen bruder erwurgen odder erstechen / vñ mehr scha  
den thun / denn der strick vñ feynd. Wenn du aber yhm  
helffen wilt / mustu also thun / den feynd magstu hart  
genug straffen odder schlagen / aber mit dem strick mu  
stu senffte vnnnd mit furchten vmbgehen / bisz du yhn  
vonn seynem halz bringist / das du deinen bruder nit  
erwurgist.*

Also / die lugner die vorstockte tyrannen / magstu  
woll hartt antasten / vnnnd frey thun wydder yhr lere vñ  
werck / denn sie wollen nit horen. Aber die eynefeltigen /  
die von yhnen mit stricken solcher lere / ferlich gepundē  
sind / mustu gar viell anders handelln / mit furcht vnnnd  
senffte / die menschen lere aufflozen / grund vnnnd vsach  
sagen / vnd sie also mit der tzeyt auch losz machen. Als  
so thet. S. Paulus da er allen Jyden zu trotz / nit wolt  
Litū lassen beschneyden / vnd beschneyd doch Timo  
theum. Sihe also mustu / die hund vnnnd sew anders  
denn die menschen / die wolff vnnnd lewen anders denn  
die schwachē schaff / hādeln / den wolffen kanstu nit zu  
hartt seyn / den schwachen schaffen kanstu nit zu weych  
seyn. Wyr müssen vnsz doch itzt nit anders haltē / denn  
alsz lebtē wyr vnter den heydē / weyl wyr vnter den Pa  
pisten leben. Ja sie sind woll siebenfeltige heyden / dar



umb sollen wyr/wie. S. Petrus leret / eyn gutten wan  
 del furen vnter den heyden / das sie vns nichts vbels  
 mugen nach sagen mit warheytt / wie sie gern wollten.  
 Sie horensz gar gern / so du dich dyszer lere rhumist / vñ  
 den schwachenn hertzen ergerlich bist / auff das sie die  
 gantzen lere mugen ergerlich vnd schedlich beschreyen /  
 weyl sie yhr sonst nichts mugen abbrechen / vñnd beken  
 nen müssen das sie war sey. Got geb vns allen / das wir  
 auch lebenn wie wyr leren / vñnd die wortt auch ynn die  
 thatt bringen / vñszer ist viel / die da sagenn. Herr Herr  
 vñnd loben die lere / aber das thun vñnd folgenn will  
 nitt hernach Das seyn ditzmal gnug / zur newen vorna  
 mung fur auffruhr vñ ergernuszu behutten / auff das  
 nitt durch vñs selbs / das heylige gottis wortt vor vñ  
 heyligt werde Amen.



Faint, illegible text, likely bleed-through from the reverse side of the page.

[He Bl. 206 verso]





Jb 4787 a  
—

ULB Halle 3  
003 732 096




56











26.

306

vormanung Mar-  
per tzu allen Chi-  
ich tzu vorhuten  
auffruhr vnd  
mpörung.

Witttemberg.

